



Na osnovu člana 88. stav (3) Poslovnika o radu Općinskog vijeća Ilidža ("Službene novine Kantona Sarajevo", broj 36/10), *podnosim*

VIJEĆNIČKO PITANJE/INICIJATIVU

IME I PREZIME VIJEĆNIKA/VIJEĆNICE	Muhamed Omerović
POLITIČKA PARTIJA / SAMOSTALNI VIJEĆNIK/VIJEĆNICA	SDA
SJEDNICA / DATUM ODRŽAVANJA	Kolegij Vijeća
BROJ PITANJA/INICIJATIVA (popunjava Služba)	
PITANJE ZA (navesti službu, sektor, odsjek, organ, nivo vlasti koje je upućeno pitanje/inicijativa)	

TEKST PITANJA/INICIJATIVE	Pokrećem inicijativu za donošenje zaključka Kolegija koji bi trebalo da donese i Općinsko vijeće, a koji će biti osnova za pokretanje aktivnosti za donošenje Odluke o izmjeni i dopuni Poslovnika o radu Općinskog vijeća Ilidža do kraja ovog mandata.
OBRAZLOŽENJE PITANJA/INICIJATIVE	<p>Inicijative za izmjenu i dopunu Poslovnika o radu Općinskog vijeća Ilidža u proteklom periodu pokretane su i ranije, a posljednja inicijativa za ovu izmjenu, koju je dostavio samostalni vijećnik Nedžad Tinjak, prosljeđena je općinskom načelniku radi davanja mišljenja. Činjenica je da je u ovom mandatu doneseno niz zaključaka Vijeća i Kolegija koji nisu sadržani u Poslovniku o radu Općinskog vijeća a koji su imali za cilj unaprijeđenje efikasnosti rada Vijeća. Donijet je zaključak za intoniranja himne, dostavljanje odgovora na pitanja i inicijative putem e-maila, a neophodno je Poslovnik dopuniti odredbama kojima će se stvoriti pretpostavke za održavanje sjednica elektronskim putem.</p> <p>Predlažem sljedeći ZAKLJUČAK:</p> <p>U cilju usklađivanja odredaba Poslovnika o radu Općinskog vijeća Ilidža ("Službene novine Kantona Sarajevo" broj 36/10) sa odredbama izmjena i dopuna donesenih Odluka i Zaključaka Vijeća i Kolegija u mandatu 2016-2020. godine, kao i stvaranja pretpostavki za efikasniji rad Vijeća, Kolegija Vijeća pokreće postupak da Općinsko vijeće na prvoj narednoj sjednici utvrdi Nacrt Odluke o izmjenama i dopunama Poslovnika o radu Općinskog vijeća Ilidža i isti uputi u javnu raspravu u roku od 15 dana kako bi Općinsko vijeće donijelo Odluku o izmjenama i dopunama Poslovnika o radu Vijeća do kraja ovog mandata.</p>

Muhamed Omerović
potpis vijećnika/vijećnice



Za sjednicu Kolegija

Uz poziv za današnju sjednicu Kolegija na znanje ste dobili i određeni broj materijala i to između ostalog Zahtjev Kluba vijećnika SDP BiH i samostalnog vijećnika Tinjak Nedžada za donošenjem Odluke o izmjeni Poslovnika o radu Vijeća i navedeni akt je u skladu sa Poslovnikom upućen općinskom načelniku radi davanja mišljenja. Kao predsjedavajući Vijeća na današnjoj sjednici Kolegija predložiću da donesemo jedan Zaključak kojim bi trebali da pokrenemo aktivnosti i do kraja ovog mandata donesemo Odluku o izmjenama i dopunama Poslovnika o radu Općinskog vijeća Ilidža. Kao obrazloženje ovakvog prijedloga zaključka podsjetiću vas da pored inicijativa vijećnika Tinjak Nedžada, Mirze Alijagića i drugih zaista je neophodno da donesemo jednu ovakvu Odluku i zbog činjenice da je ovo Vijeće kao i Kolegij Vijeća u svom radu donijelo neke Zaključke, koje primjenjujemo u našem radu a nisu sadržani u Poslovniku o radu Vijeća

- Imamo Zaključak Vijeća da na početku svake sjednice Vijeća intoniramo Himnu BiH i potrebno da takva odredba bude u našem Poslovniku o radu Vijeća
- Tu je svakako i Zaključak Kolegija da odgovore na vijećnička pitanja Stručna služba Vama koji ste postavili pitanje ili inicijativu dobijete odmah putem e maila.
- Tu je svakako i činjenica da nam je u ovom momentu hitno potrebno da Poslovnik o radu Vijeća dopunimo i sa odredbama kojim ćemo stvoriti pretpostavke ida možemo naše sjednice održavamo elektronskim putem
- Podsjetiti ću Vas koliko smo imali problema kod razrješenja vijećnika članova Komisija Vijeća koji su u međuvremenu postali samostalni vijećnici, zatim tu je pitanje pokretanja procedure smjene predsjedavajućeg vijeća, kao i opis poslova zamjenika predsjedavajućeg vijeća, rad Kolegija Vijeća, postupak dopune dnevnog reda sjednice Vijeća, prisustvo sjednicama Vijeća.
- Ovdje treba svakako navesti i činjenicu da je ovo Vijeće usvojilo i Odluku o izmjenama i dopunama Odluke o osnivanju stalnih radnih tijela Vijeća i da u skladu sa ovom Odlukom potrebno je da se Poslovnik uskladi sa ovom odlukom u dijelu radnih tijela Vijeća.

Na osnovu svega navedenog kao i zbog činjenice da želim da stvorim i pretpostavke za jedan efikasniji rad Općinskog vijeća predlažem da donesemo sljedeći

ZAKLJUČAK

U cilju usklađivanja odredaba Poslovnika o radu Općinskog vijeća Ilidža ("Službene novine Kantona Sarajevo" broj 36/10) sa odredbama izmjena i dopuna donesenih Odluka i Zaključaka Vijeća i Kolegija u mandatu 2016.-2020.godine, kao i stvaranja pretpostavki za efikasniji rad Vijeća, Kolegij Vijeća pokreće postupak da Općinsko vijeća na prvoj narednoj sjednici utvrdi Nacrt Odluke o izmjenama i dopunama Poslovnika o radu Općinskog vijeća Ilidža, i isti uputi u javnu raspravu u roku od 15 dana kako bi Općinsko vijeće donijelo Odluku o izmjenama i dopunama Poslovnika o radu Vijeća do kraja ovog mandata.